

14 JAN 1999

DR MAHATHIR LAWAT KEDAH ESOK

ALOR SETAR, 14 Jan (Bernama) -- Perdana Menteri Datuk Seri Dr Mahathir Mohamad dijadual melawat Kedah esok.

Dr Mahathir dijadual tiba di Lapangan Terbang Sultan Abdul Halim, Kepala Batas pukul 3.45 petang, menurut Pegurus Media dan Komunikasi Menteri Besar, Aziz Desa hari ini.

Dr Mahathir dijadual menyempurnakan upacara pecah tanah Kompleks Islam Al-Bukhary di Alor Malai, milik Yayasan Al-Bukhary, pukul 5 petang.

Menteri Besar Tan Sri Sanusi Junid dijadual turut hadir pada majlis itu.

Perdana Menteri akan juga melawat pameran serta mendengar taklimat pembangunan kompleks itu yang disampaikan oleh Pengerusi Yayasan Al-Bukhary, Datuk Syed Mokhtar Al-Bukary.

Sementara itu isteri Perdana Menteri, Datin Seri Dr Siti Hasmah Mohd Ali turut bersama ke Kedah esok tetapi tiba di sebelah pagi.

Dr Siti Hasmah yang mempunyai jadual berasingan, akan menghadiri majlis penyampaian dermasiswa BAKTI dan majlis ramah mesra dengan kakitangan di Sekolah Latihan Kesihatan Luar Bandar di Jitra pada pukul 9.30 pagi.

Pada pukul 6 petang, Dr Mahathir akan ke Kampung Tanjong, Mukim Jeram dekat Jitra untuk majlis beramah mesra dan berbuka puasa bersama penduduk di masjid kampung itu, kata Aziz.

-- BERNAMA

MN NMO